

¡BOMBA!

Hay buen fin y también puente, quieren que haya gastadera; uno saca la cartera... pero al final se arrepiente



K'UINTSIL

Edición de fin de semana, del viernes 18 al domingo 20 de noviembre de 2022

CAMPECHE · YUCATÁN · QUINTANA ROO · AÑO 8 · NÚMERO 1869 · www.lajornadamaya.mx



K'ÁANXOOK

MÁAKE' SAJAK TI' TIINTORERA CHÉEN
YÓOK'LAL JUMP'ÉEL CHA'AN

U saajkilil máak ti' le ba'alche'a' káaj tu ja'abil 1975, úuchik u ts'a'abal k'ajóoltbil jump'éel, ti' óoxp'éel norteamerikanoil cha'ano'ob, tu'ux ku chíikpajal k'áanxook; juntúul ti' le ku ye'esa'alo'obo' leti'e' jejeláasil ku k'aaba'tik Prionace Glauca.

Tak ma' seen úuchake', naats' Isla Aguada, Kaanpeche', yaan ti' le ba'alche'ob chuka'abij, ts'o'okole' nuuktajo'ob. Ich káastelan t'aane' k'ajóolta'an beey tiburón azul, chéen ba'axe', kex beyo' ma' sajbe'entsil ti'al máax ku báab

te'e k'áak'nabo', tumen tak walkila', ma' yanak mix máak loobilta'ak tumen.

Xbioologa Alejandra Herrera Ávila, xka'ansaj ti' u najil xook Escuela Preparatoria "José Vasconcelos", ku ya'alik le ba'alche'a', k'ajóolta'an xan beey tintorera. Kaja'an ti' tuláakal u k'áak'náabilo'ob yóok'ol kaab, tu'ux jejeláas pata'anil u k'aaba', je'el bix tiburón tigre, caella, caguella, wa azulejo, tu lu'umil Chile.

"Tintorerae' chowak u wínikilal, beyxan u ni'. Je'el u k'uchul u p'is tak 2.5 metros yéetel

u aalile' tak 80 kilograamos. Ku jaantik kayo'ob je'el bix juun kay, káalamar, jureeles, yéetel u ch'íich'il ja', ichil uláak'o'ob. Tí'al u chuuke' ku nupikubáaj yéetel uláak'o'ob ti'al u xa'aysik u múuch'ilo'ob kay", tu tsikbaltaj.

Marco Antonio Rodríguez Badillo, máax jo'olbesik Red de Varamientos, tu tsikbaltaje' kéen yanak u mejenil le nojoch kaya' ku p'isik tak 40 sentiimetros. Ts'o'okole' u yo'omil ba'alchee' ku xáantal ichil bolonp'éel tak lajka'ap'éel winalo'ob".

GABRIEL GRANIEL

OOCHEL RINO

ESPECIAL: FAUNA NUESTRA | P. 43 TAK 46